



# গণপ্রজাতন্ত্রী বাংলাদেশ সরকার

## ভূমি মন্ত্রণালয়

(ভূমিসেবা ডিজিটাইজেশন মনিটরিং সেল)

[www.minland.gov.bd](http://www.minland.gov.bd)



সভাপতি : জনাব সাইফুজ্জামান চৌধুরী  
মন্ত্রী, ভূমি মন্ত্রণালয়।  
তারিখ ও সময় : ২২ জুলাই ২০২০ খ্রিষ্টাব্দ, বুধবার, বেলা: ১২:৩০ ঘটিকা।  
স্থান : ভূমি মন্ত্রণালয়ের সভা কক্ষ, বাংলাদেশ সচিবালয়, ঢাকা।  
উপস্থিতি : “পরিশিষ্ট - ক”

সভাপতি উপস্থিত সকলকে স্বাগত জানিয়ে সভার কাজ শুরু করেন। অতঃপর তিনি সভা পরিচালনার জন্য সচিব, ভূমি মন্ত্রণালয়কে অনুরোধ করেন। সভাপতির অনুমতিক্রমে জনাব মোঃ মাক্ছুদুর রহমান পাটওয়ারী, সচিব, ভূমি মন্ত্রণালয় বলেন যে, প্রত্যাশিত ভূমিসেবা গ্রহীতাদের “হাতের মুঠোয় ভূমিসেবা” প্রদানের লক্ষ্যে ভূমির ডিজিটাল সার্ভিসের সকল কার্যক্রম তত্ত্বাবধান, সমন্বয়-সাধন, পরিবীক্ষণ ও অগ্রগতি পর্যালোচনার জন্য “ভূমিসেবা ডিজিটাইজেশন মনিটরিং ও পর্যালোচনা-সংক্রান্ত জাতীয় কমিটি” গঠন করা হয়েছে। বর্ণিত কমিটির আজকের সভার মাধ্যমে যাত্রা শুরু করেছে। মন্ত্রিপরিষদ বিভাগের অনুমোদনের পর পূর্ণাঙ্গ কমিটি গেজেট প্রজ্ঞাপনের মাধ্যমে জারি করা হবে। এছাড়া, ভূমি মন্ত্রণালয়ের বিভিন্ন ডিজিটাল সার্ভিস সঠিকভাবে পরিচালনা এবং ভূমিসেবার স্থায়িত্ব ও প্রাতিষ্ঠানিকীকরণের জন্য ভূমি মন্ত্রণালয়ে “ভূমিসেবা ডিজিটাইজেশন মনিটরিং সেল” গঠন করা হয়েছে। আগামিতে এই সেলের মাধ্যমেই জাতীয় কমিটি ভূমিসেবার সকল ডিজিটাইজেশন কার্যক্রম সমন্বয় করবে এবং সমগ্র দেশে ডিজিটাল ভূমিসেবা বাস্তবায়নের সকল সহায়তা করবে। প্রয়োজনীয় আইনগত সহায়তাও প্রদানে সহায়তা করবে। এজেন্ডাভিত্তিক পাওয়ার পয়েন্ট প্রেজেন্টেশন উপস্থাপনের জন্য সেল প্রধান, ভূমিসেবা ডিজিটাইজেশন সেলকে অনুরোধ করা হয়। বিষয়ভিত্তিক আলোচনাক্রমে নিম্নবর্ণিত আলোচনা ও সিদ্ধান্ত সর্বসম্মতিক্রমে গৃহীত হয়:

ক্রম	আলোচ্য বিষয়	আলোচনা	সিদ্ধান্ত	বাস্তবায়নে
১	১.১ ই-নামজারি আপডেশন, রক্ষণাবেক্ষণ ও সাপোর্ট সার্ভিসের টেন্ডার কার্যক্রম গ্রহণ	আলোচ্য বিষয়: ১.১ এবং ১.২ বিষয়দুটি পরস্পর সম্পর্কযুক্ত। এজন্য উভয় বিষয় একত্রে আলোচনা করা হয়। ই-নামজারি সিস্টেম চালু রাখার জন্য এবং নিয়মিত আপডেট ও	১.১.১ ভূমি মন্ত্রণালয় হতে ই- নামজারি আপডেশন, রক্ষণাবেক্ষণ ও সাপোর্ট সার্ভিসের টেন্ডার কার্যক্রম <u>দ্রুত</u> সম্পন্ন করতে হবে।	সেল প্রধান, ভূমিসেবা ডিজিটাইজেশন মনিটরিং সেল, ভূমি মন্ত্রণালয়
	১.২ ই-নামজারির সঙ্গে ই-চালান ও পেমেণ্ট গেটওয়ে সংযুক্তকরণ	সাপোর্টের জন্য ভূমি মন্ত্রণালয় হতে দ্রুততম সময়ের মধ্যে ডেভেলপ নিয়োগের কার্যক্রম গ্রহণ এবং পেমেণ্ট গেটওয়ে দ্রুত চালু আবশ্যিক মর্মে সভা একমত পোষণ করে।	১.২.১ ই-নামজারির সঙ্গে ই- চালান ও পেমেণ্ট গেটওয়ে সংযুক্তকরণ কাজ <u>অতিদ্রুত</u> সম্পন্ন করতে হবে।	
	১.৩ বিসিসি-এর সঙ্গে সার্ভারের বিষয়ে অগ্রগতি অবহিতকরণ	ইতোমধ্যে ই-নামজারি সিস্টেমের সকল ডাটা ভূমি সংস্কার বোর্ড কর্তৃক স্থাপিত BD-Ren-এর সার্ভার হতে BCC-এর ক্লাউড সার্ভারে মাইগ্রেশন সম্পন্ন হয়েছে। অনলাইন জরিপ, ডিজিটাল ল্যান্ড রেকর্ড, মৌজা ম্যাপ, অনলাইন ভূমি উন্নয়ন কর, রিভিউ মামলা, মিস মামলা এবং রেন্ট সার্টিফিকেট মামলার জন্য প্রয়োজনীয় সার্ভারের সংস্থান করা হয়েছে। পরবর্তীতে প্রয়োজন অনুযায়ী সার্ভারের সহায়তা বিসিসি থেকে পাওয়া যাবে মর্মে সভায় জানানো হয়।	১.৩.১ বিসিসি-এর সঙ্গে নিয়মিত যোগাযোগ রক্ষা করতে হবে। ১.৩.২ সার্ভার রক্ষণাবেক্ষণ, আপডেশন এবং ব্যবস্থাপনার বিষয়ে আরও কি কি করা যায় সে বিষয়ে পর্যালোচনা করতে হবে।	সেল প্রধান, ভূমিসেবা ডিজিটাইজেশন মনিটরিং সেল, ভূমি মন্ত্রণালয়

০২

ক্রম	আলোচ্য বিষয়	আলোচনা	সিদ্ধান্ত	বাস্তবায়নে
২	ভূমি সংস্কার বোর্ড কর্তৃক অনলাইন ভূমি উন্নয়ন কর ব্যবস্থাপনা, রেন্ট সার্টিফিকেট মামলা ব্যবস্থাপনা, রিভিউ মামলা ব্যবস্থাপনা, মিস মামলা ব্যবস্থাপনা নামে চারটি সিস্টেম তৈরি করা হয়েছে। এই সিস্টেমগুলো মাঠ পর্যায়ে চালুর উদ্যোগ গ্রহণ	চেয়ারম্যান, ভূমি সংস্কার বোর্ড জানান যে, ১০ থেকে ১২টি উপজেলায় অনলাইন ভূমি উন্নয়ন কর ব্যবস্থাপনা পাইলটিং করার বিষয়ে আগামি ০৭ (সাত) দিনের মধ্যে তালিকা পাঠানো হবে। আগামি সভার পূর্বেই এই সকল উপজেলাই পাইলটিং কার্যক্রম শুরু করা হবে।  পাইলটিং কার্যক্রম দ্রুততম সময়ে বাস্তবায়নের জন্য সভায় অনুরোধ জানানো হয়।	২.১ <u>আগামি ০৭ (সাত)</u> দিনের মধ্যে পাইলটিং চালুর জন্য উপজেলার নামের তালিকা পাঠাতে হবে। ২.২ অনলাইন ভূমি উন্নয়ন কর, রিভিউ মামলা ব্যবস্থাপনা, রেন্ট সার্টিফিকেট মামলা ব্যবস্থাপনা; মিস মামলা ব্যবস্থাপনা সিস্টেমগুলোও উক্ত উপজেলায় চালুর কার্যক্রম করতে হবে। ২.৩ ই-নামজারি সিস্টেমের সঙ্গে অনলাইন ভূমি উন্নয়ন কর, রিভিউ মামলা ব্যবস্থাপনা ও রেন্ট সার্টিফিকেট মামলা ব্যবস্থাপনা সিস্টেম সংযুক্ত করে চালু করতে হবে।	চেয়ারম্যান, ভূমি সংস্কার বোর্ড
৩	ই-নামজারি ও রিভিউ মামলা অনলাইনে পরিচালনার বিষয়ে পলিসি সাপোর্টের জন্য বিধিমালা তৈরির উদ্যোগ গ্রহণ	বর্তমানে চলমান বিভিন্ন ডিজিটাল সার্ভিস যেমন- ই-নামজারি, রিভিউ মামলা, মিস মামলার আইনগত ভিত্তির জন্য বিধিমালা তৈরির উদ্যোগ গ্রহণ প্রয়োজন মর্মে সভায় আলোচনা হয়।	৩.১ “আদালত কর্তৃক তথ্য-প্রযুক্তি ব্যবহার অধ্যাদেশ, ২০২০” পর্যালোচনা এবং বর্তমানে ভূমি সংশ্লিষ্ট চলমান ডিজিটাল সার্ভিসের আইনগত ভিত্তি প্রদানের জন্য <u>আগামি সভার পূর্বেই</u> ই-নামজারি, রিভিউ মামলা এবং অনলাইন মিস মামলা পরিচালনার বিষয়ে সম্ভাব্য বিধিমালার একটা খসড়া তৈরি করে উপস্থাপন করতে হবে।	চেয়ারম্যান, ভূমি আপীল বোর্ড
৪	ডিজিটাল ভূমি রেকর্ড, সকল মৌজা ম্যাপ অনলাইনে প্রকাশের কার্যক্রম গ্রহণ এবং ঢাকা জোনের অনলাইন জরিপ কার্যক্রম অন্যান্য জোনে সম্প্রসারণ	মহাপরিচালক, ভূমি রেকর্ড ও জরিপ অধিদপ্তর জানান যে, ইতোমধ্যে আরএস খতিয়ান অনলাইনে প্রকাশ করা হয়েছে। ঢাকা জেলার সিটি জরিপের মৌজা ম্যাপও অনলাইনে প্রকাশ করা হয়েছে। খুব দ্রুত সকল জেলার খতিয়ান এবং মৌজা ম্যাপ অনলাইনে প্রকাশের কার্যক্রম হাতে নেওয়া হয়েছে। এজন্য ভেস্তর নিয়োগের কার্যক্রম চলমান রয়েছে। এছাড়াও ঢাকা জোনের ন্যায় সকল জোনে পর্যায়ক্রমে ডিজিটাল জরিপ কার্যক্রম চালুর বিষয়ে আলোচনা হয়।	৪.১ সকল জেলার রেকর্ড রুম হতে খতিয়ান ও মৌজা ম্যাপ অনলাইনে প্রদানের জন্য কার্যক্রম সম্পন্ন করতে হবে; ৪.২ চট্টগ্রাম জেলায় ডিজিটাল জরিপের কাজ <u>দ্রুত শুরু করতে হবে</u> ; ৪.৩ ডিজিটাল জরিপ সম্পন্নের জন্য প্রয়োজনীয় প্রশিক্ষণ শুরু করতে হবে।	মহাপরিচালক, ভূমি রেকর্ড ও জরিপ অধিদপ্তর এবং জোনাল সেটেলমেন্ট অফিসার, ঢাকা।
৫	অনলাইন ট্রেনিং মডিউল তৈরি	সভায় আলোচনা হয় যে, নিয়মিত প্রশিক্ষণের কোনো বিকল্প নেই। প্রতিনিয়ত বিভিন্ন আইন এবং প্রযুক্তিগত দিক থেকে আপডেট	৫.১ অনলাইন প্রশিক্ষণের জন্য ট্রেনিং মডিউল তৈরি করতে হবে; ৫.২ অনলাইন প্রশিক্ষণের	পরিচালক, ভূমি প্রশাসন প্রশিক্ষণ কেন্দ্র

ক্রম	আলোচ্য বিষয়	আলোচনা	সিদ্ধান্ত	বাস্তবায়নে
		হওয়ার জন্য প্রশিক্ষণ জরুরি। কোভিড পরিস্থিতিতে প্রশিক্ষণ কার্যক্রম বন্ধ থাকায় বিভিন্ন ডিজিটাল সার্ভিসের অগ্রগতি মাঠ পর্যায়ের কর্মকর্তাদের জানানো যাচ্ছে না। সেজন্য উন্নত দেশের আদলে অনলাইনে প্রশিক্ষণ কার্যক্রম চালুর উদ্যোগ নেওয়া প্রয়োজন।	জন্য ভিডিও তৈরি করতে হবে; এবং ৫.১.৩ <u>আগামী সভায়</u> এ সংশ্লিষ্ট অগ্রগতি জানাতে হবে।	পরিচালক, ভূমি প্রশাসন প্রশিক্ষণ কেন্দ্র
৬	সরকারি স্বার্থ সংশ্লিষ্ট বিষয় নিশ্চিতকরণের জন্য খসড়া জরিপ প্রকাশনার সময় পূর্ববর্তী জরিপের পেন্টাগ্রাফ ম্যাপ এবং দাগসূচি ও খতিয়ান ইনডেক্সসহ উপজেলা ভূমি অফিসের সঙ্গে যাচাই করে নেওয়া	সভায় আলোচনা হয় যে, বর্তমানে চলমান জরিপের সঙ্গে খসড়া প্রকাশনার সময় সংশ্লিষ্ট মৌজার প্যান্টোগ্রাফ ম্যাপ এবং দাগ ও খতিয়ান ইনডেক্সসহ উপজেলা ভূমি অফিসে সরবরাহ করলে পরবর্তী ০৭-১৫ দিনের মধ্যে সরকারি স্বার্থ সংশ্লিষ্ট বিষয়াদি যাচাই করে নিলে মাঠ পর্যায়ে জরিপ পরবর্তী সময়ে সরকারি সম্পত্তির সঙ্গে ব্যক্তি মালিকানাধীন জমির জটিলতা কমিয়ে আনা সম্ভব। এ প্রসঙ্গে মহাপরিচালক, ভূমি রেকর্ড ও জরিপ অধিদপ্তর জানান যে, জরিপের বিভিন্ন স্তর সম্পন্ন করে জরিপ কার্যক্রম সম্পন্ন করা হয় এই অবস্থা হলে জরিপের কার্যক্রম দীর্ঘসূত্রতা হতে পারে।	৬.১ সরকারি স্বার্থ সংশ্লিষ্ট বিষয় নিশ্চিতকরণের জন্য খসড়া জরিপ প্রকাশনার সময় পূর্ববর্তী জরিপের পেন্টাগ্রাফ ম্যাপ এবং দাগসূচি ও খতিয়ান ইনডেক্সসহ উপজেলা ভূমি অফিসের সঙ্গে যাচাই করে নেওয়ার জন্য মহাপরিচালক, ভূমি রেকর্ড ও জরিপ অধিদপ্তর সংশ্লিষ্টদের নিয়ে একটি ওয়ার্কসপ করে দ্রুত সিদ্ধান্ত গ্রহণ করে পরবর্তী সভায় জানাবেন।	মহাপরিচালক, ভূমি রেকর্ড ও জরিপ অধিদপ্তর এবং যুগ্মসচিব, জরিপ, ভূমি মন্ত্রণালয়
	৬.২ চূড়ান্ত খতিয়ান প্রস্তুতের পর গেজেট প্রকাশনার পূর্বে সংশ্লিষ্ট মৌজার খতিয়ানের সঙ্গে ই-নামজারির Integration করার ব্যবস্থা গ্রহণ করা	চূড়ান্ত গেজেট প্রকাশনার পূর্বে ই-নামজারি সিস্টেমের সঙ্গে অনলাইন খতিয়ান ইন্টিগ্রেশন করলে একই সঙ্গে জরিপ সম্পন্নের পরপরই ই-নামজারিতে খতিয়ান সংশোধনের জন্য ই-নামজারি কার্যক্রম গ্রহণ করা গেলে রেকর্ড সংশোধন এবং ডাটা এন্ট্রির জন্য নতুনভাবে আর কোনো কার্যক্রম গ্রহণের প্রয়োজন হবে না মর্মে সভা হতে জানানো হয়।	৬.২ জরিপ সম্পন্নের পর চূড়ান্ত প্রকাশিত জরিপের অনলাইন খতিয়ানের সঙ্গে ই-নামজারি Integration করার ব্যবস্থা নিতে হবে।	মহাপরিচালক, ভূমি রেকর্ড ও জরিপ অধিদপ্তর এবং সেলপ্রধান, ভূমিসেবা ডিজিটাইজেশন মনিটরিং সেল, ভূমি মন্ত্রণালয়।
৭	ভূমিসেবা ডিজিটাইজেশন মনিটরিং সেলের নাম ও কার্যবিধি অনুমোদন।	ভূমিসেবার সকল ডিজিটাইজেশন কার্যক্রম মন্ত্রণালয় হতে সমন্বয় করার জন্য “ভূমিসেবা ডিজিটাইজেশন মনিটরিং সেল” তৈরি করা হয়েছে। এই সেল ভূমি মন্ত্রণালয় ও এর আওতাধীন সকল দপ্তর সংস্থার ডিজিটাইজেশন কার্যক্রম সমন্বয় করা এবং প্রয়োজনীয় সহায়তা প্রদান করা মর্মে সকলে একমত উপনীত হন।	৭.১ “ভূমিসেবা ডিজিটাইজেশন মনিটরিং সেল”-কে ভূমি মন্ত্রণালয়ের অর্গানোগ্রামে সংযুক্তির জন্য দ্রুত কার্যক্রম গ্রহণ করতে হবে; এবং ৭.২ এই সেলের জন্য প্রয়োজনীয় অনুসার্জিক সকল মালামাল <u>অতিদ্রুত সরবরাহ করতে হবে।</u>	অতিরিক্ত সচিব (প্রশাসন), ভূমি মন্ত্রণালয়

ক্রম	আলোচ্য বিষয়	আলোচনা	সিদ্ধান্ত	বাস্তবায়নে
৮	জনগণের প্রত্যাশিত সেবা প্রদান এবং মন্ত্রণালয়ের স্বচ্ছতা ও জবাবদিহিতা নিশ্চিত করার লক্ষ্যে হটলাইনের অগ্রগতি	ভূমি মন্ত্রণালয়ের হটলাইনে জমাকৃত অভিযোগসমূহ দ্রুত নিষ্পত্তি করে পরবর্তীতে অবহিত করার জন্য জানানো হয় এবং এবিষয়ে গুরুত্ব প্রদান করা আবশ্যিক মর্মে সভায় আলোচনা হয়।	৮.১ হটলাইনের কার্যক্রম কঠোরভাবে তদারকি করতে হবে। প্রতিমাসে এর অগ্রগতি সভায় উপস্থাপন করতে হবে।	অতিরিক্ত সচিব (মাঠ প্রশাসন), ভূমি মন্ত্রণালয়
০৯	সিদ্ধান্তের অগ্রগতি প্রেরণ	অত্র সভার আলোচ্য বিষয়সমূহের উপর গৃহীত সিদ্ধান্তের অগ্রগতি আগামী সভার পূর্বে ই-মেইলে প্রেরণের বিষয়ে আলোচনা হয়	৯.১ আগামী সভার পূর্বে বর্তমান সভার সিদ্ধান্ত বাস্তবায়নের অগ্রগতি প্রতিবেদন lsdmcl@minland.gov.bd ই-মেইলে প্রেরণের সিদ্ধান্ত গৃহীত হয়।	সকল সদস্য “ভূমিসেবা ডিজিটাইজেশন মনিটরিং ও পর্যালোচনা সংক্রান্ত জাতীয় কমিটি”

সভাপতি জানান যে, উন্নত ও সমৃদ্ধ বাংলাদেশ বিনির্মাণে ভূমিসেবার মান বৃদ্ধির কোন বিকল্প নেই। তিনি ভূমি মন্ত্রণালয়কে একটি সেবামুখী মন্ত্রণালয় উল্লেখ করে আরও বলেন যে, এখন জনসাধারণকে সরাসরি ভূমিসেবা প্রদান করা হচ্ছে। ভূমি কেবল মানুষের জীবনকেই প্রভাবিত করে না, দেশের অর্থনীতিকেও প্রভাবিত করে। এই সভায় আলোচ্য বিষয়ে গৃহীত সিদ্ধান্তের বাস্তবায়ন অগ্রগতি পরবর্তী সভায় উপস্থাপন করতে হবে। ২০২১ সালের মধ্যে ভূমি মন্ত্রণালয়ের সকল সেবা অনলাইনে নাগরিকের হাতের নাগালে আনার কার্যক্রম গ্রহণ করতে হবে। প্রতিমাসে জাতীয় কমিটির সভা অনুষ্ঠিত হবে। ভূমি মন্ত্রণালয়কে অন্যান্য সকল মন্ত্রণালয়ের উর্ধ্বে তুলে ধরতে চাই। মাননীয় প্রধানমন্ত্রী তাঁকে যে কারণে ভূমি মন্ত্রণালয়ের দায়িত্ব প্রদান করেছেন, সেই দায়িত্ব পূর্ণভাবে পালন করতে চান। সকল ভূমিসেবা ডিজিটাইজেশন হলে তাঁর দায়িত্ব পালনের একটি অংশের পূর্ণতা লাভ করবে মর্মে মন্তব্য করেন। সকলের সুস্বাস্থ্য কামনা করে সভাপতি সকলকে ধন্যবাদ জানিয়ে সভার সমাপ্তি ঘোষণা করেন।

  
 সাইফুজ্জামান চৌধুরী  
 মন্ত্রী  
 ভূমি মন্ত্রণালয়



গণপ্রজাতন্ত্রী বাংলাদেশ সরকার  
ভূমি মন্ত্রণালয়  
(ভূমিসেবা ডিজিটাইজেশন মনিটরিং সেল)  
[www.minland.gov.bd](http://www.minland.gov.bd)



স্মারক নম্বর- ৩১.০০.০০০০.০৫৭.০৬.০০৫.২০- ১০

তারিখ: ২১ শ্রাবণ ১৪২৭ বঙ্গাব্দ  
০৫ আগস্ট ২০২০ খ্রিস্টাব্দ

অনুলিপি সদয় জ্ঞাতার্থে ও কার্যার্থে (জ্যেষ্ঠতার ক্রমানুসারে নয়):

- ০১। মন্ত্রিপরিষদ সচিব, মন্ত্রিপরিষদ বিভাগ/ প্রধানমন্ত্রীর মুখ্য সচিব, প্রধানমন্ত্রীর কার্যালয়, ঢাকা।
- ০২। সিনিয়র সচিব, আইসিটি বিভাগ, বিসিসি ভবন, আগারগাঁও, ঢাকা।
- ০৩। সচিব, জনপ্রশাসন মন্ত্রণালয়, বাংলাদেশ সচিবালয়, ঢাকা।
- ০৪। চেয়ারম্যান, ভূমি আপীল বোর্ড/ ভূমি সংস্কার বোর্ড, ঢাকা।
- ০৫। মহাপরিচালক, ভূমি রেকর্ড ও জরিপ অধিদপ্তর, তেজগাঁও, ঢাকা।
- ০৬। অতিরিক্ত সচিব (আইন/মাঠপ্রশাসন/প্রশাসন), ভূমি মন্ত্রণালয়, বাংলাদেশ সচিবালয়, ঢাকা।
- ০৭। বিভাগীয় কমিশনার (সকল), \_\_\_\_\_।
- ০৮। প্রকল্প পরিচালক (এটুআই), আইসিটি বিভাগ, বিসিসি ভবন, আগারগাঁও, ঢাকা।
- ০৯। প্রকল্প পরিচালক, উপজেলা ও ইউনিয়ন ভূমি অফিস নির্মাণ প্রকল্প(৬ষ্ঠ পর্ব)/ ভূমি প্রশাসন প্রশিক্ষণ কেন্দ্রের ৩ষ্ঠ তলা হতে ১২ তলা পর্যন্ত উর্ধ্বমুখী সম্প্রসারণ প্রকল্প/ ডিজিটাল পদ্ধতিতে ভূমি রেকর্ড, জরিপ ও সংরক্ষণ প্রকল্প (১ম পর্যায়)/ সমগ্র দেশে শহর ও ইউনিয়ন ভূমি অফিস নির্মাণ প্রকল্প/ গুচ্ছগ্রাম-২য় পর্যায় (Climate Victim Rehabilitation Project) প্রকল্প/ চর ডেভেলপমেন্ট এন্ড সেটেলমেন্ট প্রকল্প-৪ (ভূমি মন্ত্রণালয়ের অংশ)/ ভূমি ভবন কমপ্লেক্স নির্মাণ প্রকল্প।
- ১০। জেলা প্রশাসক (সকল), \_\_\_\_\_।
- ১১। মাননীয় মন্ত্রীর একান্ত সচিব, ভূমি মন্ত্রণালয় (মন্ত্রী মহোদয়ের সদয় অবগতির জন্য)।
- ১২। জেনারেল সেটেলমেন্ট অফিসার, \_\_\_\_\_।
- ১৩। অতিরিক্ত জেলা প্রশাসক (রাজস্ব), সিলেট/বরিশাল।
- ১৪। অতিরিক্ত জেলা প্রশাসক (এলএ), চট্টগ্রাম।
- ১৫। সহকারী কমিশনার (ভূমি), পবা, রাজশাহী এবং ময়মনসিংহ সদর, ময়মনসিংহ।
- ১৬। প্রোগ্রামার, ভূমি মন্ত্রণালয় (সভার কার্যবিবরণী ওয়েবসাইটে আপলোড এবং সংশ্লিষ্টদের ই-মেইলে প্রদানের অনুরোধসহ)।
- ১৭। অফিস কপি।

  
(মো: দৌলতুজ্জামান মনি)  
সেল প্রধান (উপসচিব)  
ফোন: +৮৮০২৯৫৫৫০৪৩

ই-মেইল: [lsdmc@minland.gov.bd](mailto:lsdmc@minland.gov.bd)